

समे – 12:25

<><><><><><>

PM-Digital Infrastructure

प्रधानमंत्री नरेन्द्र मोदी होरें आखेआ ऐ जे डिजीटल बुनियादी ढांचा अड़चन पैदा करने आला नेई सगुआं दुनिया गी जोड़ने आले पुल आले लेखा होना लोड़चदा ऐ। प्रधानमंत्री होरें जंदी रातीं संयुक्त राष्ट्र महासभा च “समिट ऑफ द फ्यूचर” दे मौके पर बोलदे होई आखेआ जे कुल संसारी हितें लेई भारत अपना डिजीटल बुनियादी ढांचा सांझा करने लेई तैआ ऐ। मोदी होरें आखेआ जे तकनीक दे सुरक्षत ते जवाबदेही कन्नै इस्तेमाल लेई इक संतुलित नियामक सरिस्ता कायम करना जरूरी ऐ। उनें आखेआ जे दुनिया इक उसा कुलसंसारी डिजीटल प्रशासन चांहदी ऐ जेह्दे च संप्रभुता ते अखंडता पर कोई माड़ा असर नेई पवै। मोदी होरें आखेआ जे मनुक्खता दी कामयाबी इक जुट ताकत च ऐ ना के कुसै युद्ध भूमि च। मोदी होरें आखेआ जे इक पाससै आतंकवाद लगातार कुलसंसारी शांति ते सुरक्षा लेई खतरा बने दा ऐ। दूई बक्खी साइबर, समुंद्री ते अंतरिक्ष सुरक्षा पर खतरा नमें संकट दे तौर पर उभरा करदा ऐ।

<><><><><><>

2nd Phase Polling

जम्मू कश्मीर च कल होने आले विधानसभा चुनां लेई सारिया तैआरियां करी लेतियां गेइयां न। 6 जिले दे 26 विधानसभा हल्के च कल मतदान होना ऐ। आकाशवाणी जम्मू संवाददाता दी रिपोर्ट मूजब जिनें जिले च कल मतदान होना ऐ उंदे च रियासी, राजौरी ते पुंछ, श्रीनगर, बडगाम ते गांदरबल शामिल ऐ। 25 लक्ख 78 ज्हार थमां बद्ध मतदाता 239 मेदवारें दे सियासी भागें दा फैसला करगंन। कश्मीर खित्ते च कल 15 विधानसीा हल्के जिसलै कि जम्मू खित्ते च कल 11 विधानसभा हल्के च मतदान होना ऐ। इस गेड़ तैहत् 25 लक्ख 78 ज्हार 99 मतदाता न। जिंदे च 13 लक्ख 12 ज्हार 730 मर्द, 12 लक्ख 65 ज्हार 316 महिलरा ते 53 थर्ड जंडर मतदाता न। 18 थमां 19 बरे बश्कार दे इक लक्ख 20 ज्हार 612 मतदाता न। जिंदे चा 11 ज्हार 294 मर्द ते 10 ज्हार 65 महिला मतदाता न। इस गेड़ च 19 ल्हार 201 दिव्यांग मतदाता वोट पाने दे अपने अधिकार दा इस्तेमाल करगंन। जिसलै कि 85 बरे थमां बद्ध दी उमरी आले 20 ज्हार 880 मतदाता न। दुए गेड़ च श्रीनगर च 93 मेदवार बडगाम च 46 मेदवार, राजौरी च 34 मेदवार, पुंछ जिले च 25 मेदवार, गांदरबल च 21 मेदवार ते रियासी जिले च कुल 20 मेदवार चुनां मैदान च न। मतदान गी सुचारू ते बवस्था आले ढंगै सिर करोआने लेई भारतीय चुनां आयोग आस्सेआ 3 ज्हार 502 मतदान केन्द्र बनाए गेदे न। इनें सारे च वैबकास्टिंग दी सहूलत ऐ। कुल 3 ज्हार 502 मतदान केन्द्र च इक ज्हार 56 शैहरी इलाके च, 2 ज्हार 446 मतदान केन्द्र ग्रामीण थाहरें बनाए गे न। मतदाताएं दी शमूलियत गी जकीनी बनाने लेई 157 विशेष मतदान केन्द्र बनाए गे न। 26 पोलिंग बूथ पिक पोलिंग स्टेशन दे तौर पर कायम कीते गे न। जिनें गी महिलाएं आस्सेआ गै संचालित कीता जाग। 25 मतदान केन्द्र दिव्यांगें आस्सेआ 25 मतदान केन्द्र युवाएं आस्सेआ संचालित कीते जांगन। 31 मतदान केन्द्र बन्ने आले इलाके च कायम कीते गे न। 26 ग्रीन मतदान

केन्द्र ते 22 यूनीक मतदान केन्द्र न। मतदान बउलै 7 बजे शुरू होग ते संजा 6 बजे तगर जारी रौहग।

<><><><><><>

2nd Phase Campaigning

विधानसभा चुनावें दे दुए गेड़ दा प्रचार कल संजा सम्पन्न होई गेआं बक्ख-बक्ख सियासी पार्टिं दे मेदवार मतदाताएं गी अपने पक्ख च करने दी पूर जोर कोशश च लगे दे न। विधानसभा चुनावें दे दुए गेड़ तैहत मतदान लेई सारे लोड़चदे इंतजाम जिंदे च सुरक्षा बंदोबस्त बी शामिल न कीते गे न। चुनावें गी आजाद, निरपक्ख ते सुचारू ढंगै सिर करोआने लेइ हर संभव जतन कीते गे न। इस गेड़ च एसटी लेई आरक्षत 7 सीटें पर बी वोट पाए जाने न। 239 मेदवारें दी सियासी किस्मत कल ईवीएम च कैद होई जाग। इंदे सियासी भागें दा फ़ैसला 26 लक्ख 78 जहार मतदाता करगंन। कल होने आले मतदान च जेह्ड़े प्रमुख सियासी मेदवार शामिल न, उंदे च साबका मुख्मन्त्री उमर अब्दुल्ला, प्रदेश कांग्रेस कमेटी प्रमुख तारिक हामिद कर्रा ते अपनी पार्टी दे अल्ताफ बुखारी शामिल न। कुल 3 जहार 502 मतदान केन्द्र बनाए गेदे न। मतदाताएं दी सहूलत लेई सारे मतदान केन्द्रें पर घटोघट्ट बुनियादी सहूलत उपलब्ध करोआइ गेई ऐ। सारे इंतजामें गी खीरी रूप दित्ता गेआ ऐ। मतदान अमला, समेयान ते मशीनें गी तैह् थारें लेई रवाना करी दित्ता गेआ ऐ। इस बारी मतदान फीसद च बाद्धा होने दी मेद ऐ। जम्मू कश्मीर च 10 बरे दे वक्फे मगरा विधानसभा चुनावें होआरदे न। एह् चुनावें त्रऊं गेड़ें च होआरदे न। वोटें दी गिनतरी आला कम्म 9 अक्तूबर गी होग। 18 सितम्बर गी पैहले गेड़ तैहत 61 फीसद मतदान होआ हा। कल दुए गेड़ तैहत मतदान होग ते त्रीए गेड़ तैहत पैहली अक्तूबर गी बाकी रौहदे 40 विधानसभा हल्कें च वोट पाए जांगन।

<><><><><><>

2nd Phase KP Voters

कल होने आले दुए गेड़ दे चुनावें च 15 जहार 3 सौ विस्थापत कश्मीरी पंडित लेई बनाए गेदे 24 मतदान केन्द्रें पर जाइयै वोट पाने दे अपने अधिकर दा इस्तेमाल करगंन। आकाशवाणी जम्मू संवाददाता दी रिपोर्ट मूजब श्रीनगर, बडगाम ते गांदरबल जिले दे मतदाताएं लेई एह् केन्द्र कायम कीते गे न। 24 विशेष मतदान केन्द्रें पर 15 जहार 5 सौ विस्थापत मतदाता जम्मू, उधमपुर ते दिल्ली च मतदान पर जाइयैवोट पांगन। राहत ते बाआबादकारी मैहकमे दे आयुक्त अरविंद करवानी जेह्ड़े इस चुनावें प्रक्रिया दी निगरानी करांरदे न, होरें आखेआ ऐ जे जम्मू च 14 जहार 7 सौ मतदाता पंजीकृत न। दिलली च कायम 4 मतदान केन्द्रें पर 6 सौ विस्थापत कश्मीरी पंडित वोट पाने अपने अधिकर दा इस्तेमाल करगंन। 350 मतदाता उधमपुर च उंदे लेई कायम मतदान केन्द्रें पर जाइयै वोट पांगन। कल जिनें प्रमुख सियासी मेदवारें दे भविक्ख दा फ़ैसला होग, इंदे च साबका मुख्मन्त्री उमर अब्दुल्ला, प्रदेश कांग्रेस दे प्रधान ते साबका मंत्री तारिक हामिद कर्रा, बीजेपी दी जम्मू कश्मीर इकाई दे प्रधान रविन्द्र रैणाख अपनी पार्टी दे सईद अल्ताफ बुखारी, साबका मंत्री अली मोहम्मद सागर, अब्दुल रहीम राथर शामिल न।

<><><><><><>